

তথ্যবিবরণী

নম্বর-৯৪

শুধু নান্দাইল নয়, সার দেশের উন্নয়ন পরিকল্পনার দায়িত্ব আমার উপর ন্যস্ত

-ময়মনসিংহের নান্দাইলে পরিকল্পনা মন্ত্রী

ময়মনসিংহ, নান্দাইল (বৃহস্পতিবার, ১৮ জানুয়ারি ২০২৪ খ্রি.);

ময়মনসিংহের নান্দাইল উপজেলা আওয়ামী লীগের সভাপতি ও গণপ্রজাতন্ত্রী বাংলাদেশ সরকারের পরিকল্পনা মন্ত্রী মেজর জেনারেল আব্দুস সালাম এমপি বলেছেন, দেশের প্রতিটি মন্ত্রণালয়ের পরিকল্পনার সমন্বয়ে সার্বিক পরিকল্পনা করতে হয়। বিশাল, গভীর, ব্যাপক এ দায়িত্বটি মাননীয় প্রধানমন্ত্রী আমার উপর ন্যস্ত করেছেন। আমার এলাকা নান্দাইলসহ সারা দেশের উন্নয়ন পরিকল্পনায় কাজ করবো আমি, এটাই আমার কর্তব্য।

বৃহস্পতিবার (১৮ জানুয়ারি) বিকালে বাংলাদেশ আওয়ামী লীগ, ময়মনসিংহ জেলার নান্দাইল উপজেলা শাখার উদ্যোগে আয়োজিত নান্দাইলের চন্দীপাশা সরকারি উচ্চ বিদ্যালয় মাঠে গণসংবর্ধনা অনুষ্ঠানে প্রধান অতিথির বক্তৃতায় মন্ত্রী একথা বলেন।

জনতার উদ্দেশ্যে মন্ত্রী বলেন, নির্বাচন পূর্ববর্তী দেওয়া প্রতিশ্রুতি অক্ষরে অক্ষরে পালন করবো। আমার এলাকার প্রতিটি ওয়ার্ডে ইউনিয়নে যাব, আপনাদের সমস্যার কথা শুনবো। যথাসময়ে সমস্যা বা কাজ শেষ করার সর্বোচ্চ চেষ্টা করবো। কোনো হয়রানি, অর্থের অপচয় হতে দিব না। জটিল কাজগুলোর ক্ষেত্রে সমাধানের পথ খুঁজে বের করবো। এলাকার লোকজন যেন সুখে স্বাস্থ্যে জীবন যাপন করতে পারে সে প্রত্যাশা কাজ করে যাবো। রাস্তাঘাট নির্মাণ ও সংস্কারসহ গ্রামীণ অবকাঠামো, যোগাযোগ ব্যবস্থা, স্বাস্থ্য, শিক্ষা, বিদ্যুৎ খাতসহ অন্যান্য খাতে উন্নয়ন কাজ করবো। নিমানুসারে এ এলাকার প্রান্তিক জনগোষ্ঠী সরকারি সুযোগ সুবিধা পাবেন, এখানে কোনো গড়িমসি থাকবেনা। চাঁদাবাজির বিরুদ্ধে সবাইকে সতর্ক ও সচেতন থাকার আহ্বান জানান তিনি।

উপজেলা আওয়ামী লীগের সাধারণ সম্পাদক আমিনুল ইসলাম শাহান এর সভাপতিত্বে সংবর্ধনা অনুষ্ঠানে বক্তৃতা প্রদান করেন ময়মনসিংহ জেলা পরিষদ চেয়ারম্যান অধ্যাপক ইউসুফ খান পাঠান, নান্দাইল উপজেলা পরিষদের চেয়ারম্যান হাসান মাহমুদ জুয়েলসহ উপজেলা আওয়ামী লীগ ও অঙ্গ সংগঠনের নেতৃবৃন্দ। অনুষ্ঠানে বিপুল সংখ্যক লোকের সমাগম ঘটে।

দ্বাদশ জাতীয় সংসদ নির্বাচনে সংসদীয় আসন ১৫৪ ময়মনসিংহ-৯ আসন হতে জয়ী হয়ে গণপ্রজাতন্ত্রী বাংলাদেশ সরকারের পরিকল্পনা মন্ত্রণালয়ের মন্ত্রী হিসেবে ন্যস্ত হন।

#

মনির / দেওয়ান / রিদওয়ান/ হদা/ রেজভী/ ২০২৪/ ১৫:৩০ ঘণ্টা

তথ্যবিবরণী

নম্বর:৯৯

সবাইকে ঐক্যবদ্ধ করে ইসলামপুরের উন্নয়নকে এগিয়ে নিয়ে যাব- জামালপুর ইসলামপুরে ধর্মমন্ত্রী।

জামালপুর, ইসলামপুর (মঙ্গলবার, ২৩ জানুয়ারি ২০২৪);

গণপ্রজাতন্ত্রী বাংলাদেশ সরকারের ধর্মমন্ত্রী মো: ফরিদুল হক খান এমপি বলেছেন, ইসলামপুরের প্রতিটি ইউনিয়ন, ওয়ার্ডের নেতৃবৃন্দদেরকে এবং সাধারণ জনগণকে সাথে রেখে সবাইকে ঐক্যবদ্ধ করে ইসলামপুরের উন্নয়নকে এগিয়ে নিয়ে যাব। আগামী পাঁচ বছরের জন্য প্রকল্প তৈরি ও অনুমোদন সাপেক্ষে উন্নয়ন কাজ চালিয়ে যাব।

মঙ্গলবার (২৩ জানুয়ারি) জামালপুর জেলার ইসলামপুর উপজেলা আওয়ামী লীগের উদ্যোগে আয়োজিত ইসলামপুর উচ্চ বিদ্যালয় মাঠে গণসংবর্ধনা অনুষ্ঠানে প্রধান অতিথির বক্তৃতা মন্ত্রী এ কথা বলেন।

উপস্থিত জনতা ও নেতাকর্মীদের উদ্দেশ্য করে মন্ত্রী আরো বলেন, আমি আজীবন ইসলামপুরবাসীর কাছে কৃতজ্ঞ। আপনারা আমাকে যা দিয়েছেন তার বিনিময়ে উন্নয়ন কাজ করে পরিশোধ করতে চাই। ইসলামপুরের উন্নয়নের চিত্রগুলোকে ধারাবাহিকভাবে চিত্রান করতে চাই। উপজেলা প্রশাসন ও আইন-শৃঙ্খলা বাহিনীর সহযোগিতা একটি মডেল ইসলামপুর থানা তৈরি করতে চাই। ইসলামপুরে উন্নয়নের কোন কাজ যেন বাঁধা না পড়ে। সেদিকে সবাইকে সর্বোত্তম সহযোগিতা করতে হবে। আমি অতীতেও আপনাদের সাথে ছিলাম এবং ভবিষ্যতে থাকবো। আপনাদের ভালোবাসা ও কৃতজ্ঞতা পরিশোধ করতে আমি বদ্ধপরিকর। বর্তমান সরকারের প্রতিশ্রুতি অনুযায়ী গ্রামকে শহরে রূপান্তরিত করার যে পরিকল্পনা রয়েছে তার ফলশ্রুতিতে ইসলামপুরকে বাস্তবে রূপায়িত করব।

ইসলামপুর উপজেলা আওয়ামী লীগের সাধারণ সম্পাদক এডভোকেট আব্দুস সালামের পরিচালনা জনসভা উপস্থিত ছিলেন উপজেলা নির্বাহী অফিসার মোঃ সিরাজুল ইসলাম, থানা ভারপ্রাপ্ত কর্মকর্তা সুমন তালুকদার। এছাড়াও আরো উপস্থিত ছিলেন উপজেলা আওয়ামী লীগের নেতৃবৃন্দ এবং আওয়ামী অঙ্গ সংগঠনের নেতৃবৃন্দ, প্রিন্ট ও ইলেকট্রিক মিডির গণমাধ্যমকর্মীরা। গণসংবর্ধনা অনুষ্ঠানে বিপুলসংখ্যক লোকের সমাগম ঘটে।

#

রেজডী/মনির/হদা/দেওয়ান/রিদওয়ান/২০২৪/২০:৩০ঘন্টা